



## **Infurmaziuns davart l'aucziun**

### **Numers d'immatriculaziun per vehichels a motor**

Tut ils numers d'immatriculaziun libers dad 1 fin 4 cifras, ils numers da 5 cifras fin 19999 e cumbinaziuns libras e spezialmain attractivas da 5 e 6 cifras vegnan vendids tras ingiant. L'uffizi per il traffic sin via decida en chaussa.

### **Numers d'immatriculaziun per motos**

Tut ils numers d'immatriculaziun libers dad 1 fin 3 cifras, ils numers da 4 cifras fin 1999 e cumbinaziuns libras e spezialmain attractivas da 4 e 5 cifras vegnan vendids tras ingiant. L'uffizi per il traffic sin via decida en chaussa.

### **Durada**

In ingiant dura per regla duas emnas (da glindesdi, a las 08.00, fin dumengia en quindesch dis, a las 20.00). L'offerta maximala sto valair durant 5 minutas, uschiglio sa prolunghescha l'aucziun per il numer correspondentamain. Durant mintga aucziun vegnan vendids mo paucs numers.

### **Pretschs**

Il cumenzament da l'aucziun vegnan ils numers d'immatriculaziun offrids per in pretsch minimal. Silsuenter sto l'offerta vegnir augmentada almain en ils pass d'ingiant fixads che pon er vegnir sursiglids. Tut ils pretschs èn inditgads en francs svizzers.

### **Attribuziun/nunretratga**

In numer d'immatriculaziun vegn attribuì mo, sch'i vegn immatriculà a medem temp in vehichel (emprima retratga u midada dal numer). I n'exista nagin dretg d'attribuziun d'in tschert numer d'immatriculaziun.

Las taxas che resultan da l'immatriculaziun d'in vehichel (p.ex. document dal vehichel e numer/s d'immatriculaziun) n'èn betg inclusas en il pretsch d'aucziun.

### **Disponibladad e retratga dals numers d'immatriculaziun**

Per tut ils numers d'aucziun actifs èn gia fatgs ils numers d'immatriculaziun correspondent (il numer davos per vehichels a motor en il format lad, q.v.d. 50 x 11 cm). Perquai èn els disponibels svelt. Resguardai dentant per plaschair ch'ils numers d'immatriculaziun vegnan pir emess, cur che l'import d'aucziun è vegnì pajà. Ils numers d'immatriculaziun vegnan emess directamain als spurtegls a Cuira ed a Samedan ubain per posta.